



Broj: 02-04-1447/21-AP-3
Datum: 17.06.2021. godine

OPĆINSKO VIJEĆE ZAVIDOVIĆI
n/r PREDSEDavajućoj Općinskog Vijeća
gospođa Erna Merdić Smailhodžić

PREDMET: Odgovori na vijećnička pitanja sa 4. sjednice Općinskog
vijeća Zavidovići održane 27.05.2021. godine, dostavljaju se

Povodom vijećničkih pitanja postavljenih na 4. sjednice Općinskog vijeća Zavidovići
održanoj 27.05.2021. godine, dostavljamo odgovore na iste kako slijedi:

1. VIJEĆNIČKO PITANJE VIJEĆNIKA ZAHIDA AVDIČEVIĆ

1. Vijećnik Zahid Avdičević: **Prvo pitanje** se po običaju odnosi na Ministarstvo za prostorno planiranje i uređenje, da mi se dostavi odgovor: Koji su kriteriji korišteni za raspodjelu sredstava za redovnu sanaciju, aplikaciju, već kako je nazivaju regionalnih cesta, pa je općina Olovo dobila nekih 4 miliona, a općina Zavidovići cca 320.000. I naravno to je donacija od toga što su nam poslali možemo mi njima vratiti, ne treba nam gore uz Krivaju, a krenuću od predsjednika države do kantonalnih zastupnika, savjetnika premijera, ministara i tako dalje. Mene bi bilo stid da sam gore izabran, a da na ovakav način dobijemo sredstva.

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništvo, broj: 03-45-17-187/21 od 17.06.2021. godine): Dana 15.06.2021. godine Vaše pitanje je proslijeđeno u nadležnost Ministarstvu za prostorno uređenje, promet i komunikacije i zaštitu okoline. Po prijemu odgovora isti će vam biti dostavljen.

2. Vijećnik Zahid Avdičević: **Drugo pitanje** se odnosi na Ministra unutrašnjih poslova Zeničko-dobojskog kantona. Prošlu sjednicu nisam uspio stići na početak. Bio odgovor na postavljanje radara na području mjesne zajednice Kovači. Moje dopunsko pitanje trebalo je da bude, međutim sad će ići kao pitanje. Da li je vrijedniji jedan život jednog djeteta ili jedan radar u visini 30.000 maraka i da je tamo u obrazloženju, kaže da u Budžetu općine trebamo planirati sredstva u iznosu 30.000 maraka. Pa zbog čega onda Ministarstvo unutrašnjih poslova? Također tražim da mi se dostavi odgovor, kada će se krenuti u realizaciju kupovine mobilnog radara za Policijsku upravu Zavidovići? Zahvaljujem.

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništvo, broj: 03-45-17-187/21 od 17.06.2021. godine): Dana 15.06.2021. godine Vaše pitanje je proslijeđeno u nadležnost Ministarstvu unutrašnjih poslova. Po prijemu odgovora isti će vam biti dostavljen.

2. VIJEĆNIČKO PITANJE VIJEĆNIKA REFIKA ČATIĆ

Vijećnik Refik Čatić: Poštovani vijećnici, uvaženi načelnice sa ekipom, predsjedavajuća, građani i mediji, kao i gledaoci općine Zavidovići. Pitam u ime njih 124 potpisanih na ovom cirkularu, pomoćnicu načelnika za ekonomske poslove i poduzetništvo, da li se išta poduzelo u povodu ovog dopisa za rekonstrukciju kanalizacione mreže u ulici „Zlatnih Ljiljana“? Molim Vas za odgovor. Hvala.

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništvo, broj: 03-45-17-187/21 od 17.06.2021. godine): Planom javnih nabavki Općine Zavidovići za 2021. godinu predviđena je nabavka usluge pod nazivom „Izrada glavnog projekta rješavanja otpadnih, oborinskih i površinskih voda u ulici „Zlatnih Ljiljana“ i naselja „Potkleče“ u okvirnom iznosu od 15.000,00 KM. Realizacijom ove nabavke bit će stvoreni preduslovi da se u narednom periodu planira ova investicija, odnosno da se započne sa rješavanjem imovinsko-pravnih odnosa, pribavljanjem odobrenja za građenje i faznim planiranjem izvođenja radova.

3. VIJEĆNIČKO PITANJE VIJEĆNIKA ASIMA SINANOVIĆ

Vijećnik Asim Sinanović: Gospodine načelnice sa saradnicima, uvaženo Predsjedništvo, moje kolege vijećnici i vijećnice i ostali pratioci medija i svi slušaoci Radio Zavidovića i gledaoci TV mreže Smart, sve vas srdačno pozdravljam. Imam jedno vijećničko pitanje i jedan kako da kažem, savjet, upozorenje svim vozačima koji putuju Zavidovići - 4 km - Mustajbašići - Brašljevine. Znači, na tom dijelu puta Vikovići 2014. godine, Bog je dao ogromne padavine kiša, tako da je poplavilo kompletno, ne samo Vikoviće, nego Bosnu i Hercegovinu, tako da je našem putu Vikovići - Mustajbašići došlo je do zagušenja svih propusta na tom dijelu puta. Taj put je bio zaustavljen 24 sata. Došle su ekipe i očistile, međutim oštećeni su mnogi propusti na tom dijelu puta. Došlo je do klizišta, imamo vrlo puno, odnosno mjesta gdje je asfalt i do 20 cm ulegao i vrlo je teško putovati tim putem. Taj put je bio jedan od boljih puteva, a na tom dijelu puta imamo sada gore jedno izletišta koje smo odradili, Vikovići i Mustajbašići i baš u tom ulazu, u to etno selo na jednom propustu sa gornje je strane polomljena jedna cijev, a sa druge strane su polomljene dvije ili tri cijevi. Tako da sada asfalt stoji u zraku. Mi smo stavili par tački betona, odnosno šljake i šljunka da ne bi išli ljudi na tu lijevu stranu, a svakim danom je promet, moram da objasnim, da upozorim ljude, znači svi koji idu u tome pravcu prijeti im opasnost svakog dana da potonu na tom propustu. Molim nadležne da izvrše pregled ili ne znam ja uviđaj na tom dijelu mjesta dok se nije desila neka nesreća. Svakim danom je sve opasnije i opasnije. Toliko. Molim.

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništvo, broj: 03-45-17-187/21 od 17.06.2021. godine): Planom javnih nabavki Općine Zavidovići za 2021. godinu predviđena je nabavka radova na sanaciji ceste Vikovići - Brašljevine u iznosu od 23.500,00 KM, te će u skladu sa realizacijom prihoda u Budžetu općine Zavidovići biti realizovana javna nabavka i izvršit će se sanacija najprioritetnijih lokacija na cesti.

4. VIJEĆNIČKO PITANJE VIJEĆNIKA AMERA AVDIČEVIĆ

1. Vijećnik Amer Avdičević: Na osnovu člana 87. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/2014 - prečišćen tekst, 9/14, 8/18 i 8/19) upućujem vijećničko pitanje nadležnoj općinskoj službi, vezano za sanaciju trotoara i ograde na mostu u ulici „dr. Pinkasa Bandta“ (most kod tržnog centra „Bingo“)

O b r a z l o ž n j e

Navedeni most je pretrpio veću štetu prilikom poplava iz 2014. godine, pojedini elementi konstrukcije ovog mosta su sanirani nakon toga, međutim trotoar nije saniran ni dan danas. Na trotoaru postoje oštećenja u vidu rupa i izbočina koje zasigurno ugrožavaju sigurnost pješaka, a pored toga ovakav trotoar daje loš prikaz infrastrukture općine Zavidovići, s obzirom da je ovo jedan od najprometnijih mostova koji se uz to nalazi i na ulazu u našu općinu, te je možda prva stvar koju će vidjeti posjetioci naše općine. Ograda koju navodim je sanirana nakon poplava, međutim prema meni raspoloživim informacijama, na istom mjestu se dogodila saobraćajna nesreća, pri čemu je vozilo uništilo cca 2 metra ograde. Na koji način je regulisana nastala šteta prilikom te saobraćajne nesreće nije poznato, ali taj dio ograde još nije saniran, te na istom mjestu imamo jedan veći otvoren prolaz koji može biti uzrok nove saobraćajne nesreće u budućnosti. Inicijativa ukazuje na neadekvatan izgled jednog gradskog, jako prometnog mosta na području naše općine, ali prije svega na sigurnost, kako pješaka tako i vozača na ovoj dionici. Pored sanacije navedenih dijelova konstrukcije mosta, potrebno je provjeriti i provodnike električne energije na samom mostu, koji nisu adekvatno izolirani i također ugrožavaju sigurnost naših građana.

Da li nadležna služba ima u planu raditi na rješavanju ove problematike i kada možemo očekivati prve korake saniranja navedenog trotoara i ograde na mostu u ulici „dr. Pinkasa Bandta“?

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništvo, broj: 03-45-17-187/21 od 17.06.2021. godine): U narednom periodu u toku 2021. godine Općina Zavidovići će izvršiti sanaciju ograde mosta i trotrotoara.

2. Vijećnik Amer Avdičević: Na osnovu člana 87. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/2014 - prečišćen tekst, 9/14, 8/18 i 8/19) upućujem vijećničko pitanje nadležnoj općinskoj službi, vezano za obilježavanje pješačkog prijelaza u ulici „Maršala Tita“, osvjetljenju navedenog područja i obilježavanju dionice odgovarajućim saobraćajnim znakom koji će ukazivati na nailazak na pješački prijelaz,

O b r a z l o ž n j e

Na tragu ranije podnešene inicijative, za koju sam dobio odgovor nadležne službe, da će se nastaviti redovno iscertavanje horizontalne signalizacije na području naše općine, kao i održavanje ulične rasvjete koja će doprinijeti osvjetljenju navedene dionice, postavljam vijećničko pitanje, kada možemo očekivati ove korake? Jer skoro 2 mjeseca od ukazivanja na ovaj problem, pješački prijelaz nije obilježen, ulična rasvjeta baš na tom mjestu nije u ispravnosti, a još nemamo odgovarajući saobraćajni znak za navedenu dionicu.

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništvo, broj: 03-45-17-187/21 od 17.06.2021. godine): U toku je okončanje postupka javne nabavke za izradu horizontalne saobraćajne signalizacije, te će se uskoro izvršiti obilježavanje pješačkog prelaza. Također, dana 15.06.2021. godine raspisana je javna nabavka za postavljanje LED svjetiljki, a realizacija iste se očekuje početkom osmog mjeseca.

5. VIJEĆNIČKO PITANJE VIJEĆNIKA HARISA HODŽIĆ

Vijećnik Haris Hodžić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje:

Da li su nadležne službe općine Zavidovići upoznate sa stanjem table dobrodošlice na ulazu u našu općinu iz pravca Žepče? Da li će išta poduzimati na sanaciji iste i kada možemo očekivati da ogledalo naše lokalne zajednice bude u skladu sa zakonom o saobraćaju i postavci vertikalne signalizacije?

Obrazloženje:

Tabla dobrodošlice na ulazu u našu općinu iz pravca Žepča je u iskrivljenom položaju i kao takva ne odražava adekvatnu sliku naše lokalne zajednice niti doprinosi bonitetu, glasu i kredibilitetu kojem treba da traži jedna ozbiljna lokalna samouprava.

Direktno pitanje:

Tražimo od nadležne općinske službe da nam dostavi informaciju kada će se poduzeti aktivnosti na sanaciji i korekciji položaja table dobrodošlice na ulazu u našu općinu iz pravca Žepča?

Od nadležnih zahtijevam jasne odgovore u pismenoj formi.

Vijećničko pitanje upućuje se nadležnim općinskim službama.

S poštovanjem.

Odgovor na vijećničko pitanje (Odgovor je sačinjen na osnovu akta Službe za upravljanje ekonomskih poslova i poduzetništvo, broj: 03-45-17-187/21 od 17.06.2021. godine): Već par godina Općina Zavidovići ima namjeru postaviti novu tablu / pano na ulazu u općinu Zavidovići iz pravca Žepča na kojoj će biti izražena dobrodošlica, istaknuti grbovi bratskih općina i sl., međutim kako je pokrenuta inicijativa u Parlamentu Federacije BiH za dobijanje statusa grada iz racionalnih, finansijskih razloga se čekalo na odgovor po ovoj inicijativi. Obzirom da je neizvjestan vremenski rok rješavanja pomenute inicijative Općina Zavidovići će u toku ove godine, u zavisnosti od budžetskih prihoda nastojati realizovati izradu i postavljanje nove table / panoa.

Takođe, u sklopu redovnog održavanja cesta izvršit će se ispravljanje trenutnih tabli.

6. VIJEĆNIČKO PITANJE VIJEĆNIKA ŠEMSUDINA SKEJIĆ

Vijećnik Šemsudin Skejić: Na osnovu člana 8. te člana 87. Poslovnika o radu Općinskog vijeća Zavidovići, pokrećem vijećničku inicijativu da se uz neophodno učešće Kantonalne direkcije za ceste iznađe i realizuje najpogodnije rješenje regulacije oborinskih voda i rekonstrukcije kanalizacione mreže u ulici „Zlatnih ljiljana“ na dionici od benzinske pumpe Hifa do benzinske pumpe Energopetrol.

Građani ulice „Zlatnih ljiljana“ u više navrata u proteklih desetak godina, a pogotovo od 2014. godine održali su zborove, obraćali se mjesnoj zajednici Klek, resornim općinskim službama, ali bez pravih rezultata. Posljednji u nizu zborova održani su jedan početkom maja, a drugi u nedjelju 23.05.2021. godine.

Kao rezultat tih zborova, Službi za ekonomske poslove i poduzetništvo upućen je zahtjev kojim je potpisalo slovom i brojem 124 člana navedene podružnice, a nakon zadnjeg zbora od 23.05.2021. dolazi i ova vijećnička inicijativa.

Suština problema lokaliteta ulice „Zlatnih ljiljana“ je da nakon svake nešto jače kiše dolazi do začepljenja kanalizacione mreže i povrata oborinskih voda i kanalizacionog otpada u objekte.

Kako je riječ o regionalnoj cesti neophodno je problem rješavati u saradnji sa kantonalnom direkcijom za ceste.

Imajući u vidu da problem traje predugo, smatram da je neophodno promptno djelovanje i što skorije uključivanje svih relevantnih činilaca kako bi agonija mještana napokon prestala.

Ukratko, moje vijećničko pitanje glasi: „Kada i na koji način će agonija mještana koji gravitiraju u ulici „Zlatnih Ljiljana“, a koju uzrokuju oborinske vode i neadekvatna kanalizaciona mreža biti riješena“. Inicijativa - vijećničko pitanje upućuje se nadležnim općinskim službama, a od nadležnih očekujem odgovor u pisanoj formi.

U prilogu je zahtjev građana MZ Klek podružnice ulice „Zlatnih Ljiljana“ sa potpisima 124 mještana.

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništvo, broj: 03-45-17-187/21 od 17.06.2021. godine): Planom javnih nabavki Općine Zavidovići za 2021. godinu predviđena je nabavka usluge pod nazivom „Izrada glavnog projekta rješavanja otpadnih, oborinskih i površinskih voda u ulici „Zlatnih Ljiljana“ i naselja Potkleče“ u okvirnom iznosu od 15.000,00 KM.

Realizacijom ove nabavke bit će stvoreni preduslovi da se u narednom periodu planira ova investicija, odnosno da se započne sa rješavanjem imovinsko-pravnih odnosa, pribavljanjem odobrenja za građenje i faznim planiranjem izvođenja radova.

7. VIJEĆNIČKO PITANJE VIJEĆNIKA ADIJA MAHOVAC

Vijećnik Adi Mahovac: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje: Zašto je od takmičarskih klubova koji igraju prvenstva utakmice premijer lige jednom Odbojkaškom klubu invalida smanjen transfer za finansiranje redovnih sportskih aktivnosti?

Obrazloženje:

Odbojkaški klub invalida Zavidovići igra Premijer ligu BiH neprestano još od 2004. godine. Predstavnici su najtrofejnijeg sporta u Bosni i Hercegovini i na terenu se sastaju sa najjačim odbojkaškim klubovima koje zastupaju reprezentativci BiH, evropski i svjetski, olimpijski prvaci.

IOK Zavidovići se trenutno nalazi u teškim finansijskim problemima i prvenstvene utakmice dočekaju bez finansijskih sredstava uz konstantno zaduživanje i stvaranje dodatnih dugova.

Direktno pitanje: Zašto je od takmičarskih klubova koji igraju prvenstva, utakmice premijer lige jedino Odbojkaškom klubu invalida smanjen transfer za finansiranje redovnih sportskih aktivnosti i koliko finansijske pomoći/redovnih sredstava od strane općine IOK Zavidovići može očekivati u 2021. godini?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

Odgovor na vijećničko pitanje (Odgovor je sačinjen na osnovu akta Službe za upravu društvenih djelatnosti i opću upravu, broj: 04-45-14/21-AP-191 od 14.06.2021. godine): Prije svega, važno je napomenuti da ne postoji Transfer za finansiranje redovnih sportskih aktivnosti Odbojkaškog kluba invalida. Naime, Odbojkaški klub invalida "Zavidovići" i Savez za sport i rekreaciju invalida općine Zavidovići sufinansiraju se sa Tekućeg transfera za fizičku kulturu i sport planiranog u okviru Budžeta općine Zavidovići za 2021. godinu, kao i prethodnih godina.

Tokom prethodne budžetske godine, u skladu sa Kriterijima i Programom utroška sredstava sa Transfera za fizičku kulturu i sport za 2020. godinu, predviđena su sredstva za

sportska takmičenja invalida, tačnije gore navedena dva sportska subjekta, u procentualnom iznosu od 5% od ukupnog iznosa planiranog na Transferu za fizičku kulturu i sport.

U ovoj Budžetskoj godini, u skladu sa Programom i Kriterijima raspodjele i korištenja budžetskih sredstava sa Tekućeg transfera za fizičku kulturu i sport za 2021. godinu za sportska takmičenja invalida predviđen je iznos od 10 % od ukupnog iznosa predviđenog Tekućim transferom za fizičku kulturu i sport u Budžetu općine Zavidovići za 2021. godinu, što znači da je došlo do procentualnog uvećanja u odnosu na prethodnu budžetsku godinu za invalidske sportske klubove.

Također su izdvojena dodatna interventna sredstva sa Tekuće budžetske godine u 2021. godini, kao dodatna podrška redovnom radu i aktivnostima Odbojkaškog kluba invalida "Zavidovići" u iznosu od 2.000,00 KM.

Obzirom da je došlo do umanjenja Tekućeg transfera za fizičku kulturu i sport u 2021. godini u skladu sa Budžetom općine Zavidovići za 2021. godinu nije realno očekivati značajnija izdvajanja za klubove koji se ne sufinansiraju sa zasebnih Transfera u Budžetu općine Zavidovići za 2021. godinu.

8. VIJEĆNIČKO PITANJE VIJEĆNICE ERNE MERDIĆ SMAILHODŽIĆ

Vijećnica Erna Merdić Smailhodžić: Na osnovu člana 109. Poslovnika o radu Općinskog vijeća Zavidovići, postavljam vijećničko pitanje. Zašto nisu nadležne službe postupile po Obavijesti, broj: 08-45-5/21-AP-117 izdatoj, dana 21.04.2021. godine od strane sanitarnog inspektora Alme Omeragić?

Obrazloženje:

Savjet MZ „Asim Čamdžić“ uputio je dva zahtjeva, broj: 08-01-11/21 i 08-01-23/21 za poduzimanje higijensko - tehničkih mjera na prostoru stare „Centrove“ prodavnice u ulici „15. septembar“. U skladu sa pomenutim zahtjevima, sanitarni inspektor uputio je obavijest Općinskom načelniku da se predmetni objekat sanira ili na drugi način fizički zatvori, čime bi se onemogućilo obavljanje radnji navedenih u zahtjevu Svajet MZ „Asim Čamdžić“. Nakon sanacije ili zatvaranja, predloženo je poduzimanje mjera dezinfekcije, dezinskcije i deratizacije kako bi se spriječilo širenje zaraznih bolesti. Postavljam vijećničko pitanje, kada će se pristupiti sanaciji ili zatvaranju, te poduzeti higijenske radnje na pomenutom objektu koji je u vlasništvu Općine Zavidovići, a u skladu sa preporukama sanitarnog inspektora?

Odgovor na vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-5/21-AP-170 od 15.06.2021. godine): Dana 05.03.2021. godine Sanitarna inspekcija Službe za upravu poljoprivrede, vodoprivrede i komunalnih poslova općine Zavidovići je zaprimila Zahtjev MZ „Asim Čamdžić“ za higijensko-tehničkim mjerama na prostoru stare „Centrove“ prodavnice broj: 08-01-11/21 od 04.03.2021. godine i 16.04.2021. godine Ponovljeni zahtjev za higijensko-tehničkim mjerama na prostoru stare „Centrove“ prodavnice broj: 08-01-23/21 od 15.04.2021. godine.

Predmetnim zahtjevima traženo je rješavanje statusa bivše „Centrove“ prodavnice u ulici „15. septembar“, jer se ista decenijama ne koristi u svrhe za koje je namijenjena, da je prepuštena propadanju, da služi kao mjesto okupljanja, uglavnom romske populacije, koju isti koriste za obavljanje male i velike nužde, konzumiranje alkoholnih i drugih opijata da je u posljednjih desetak dana primjećena i najezda pacova što predstavlja opasnost kako za sredinu tako i za zdravlje stanovništva. Također je traženo hitno sprovođenje higijensko-tehničkih mjera u vidu neophodnog čišćenja, deratizacije, dezinskcije i dezinfekcije kao poduzimanja mjera prema imovinsko-pravnom vlasniku radi fizičkog zatvaranja i postavljanja odgovarajućih pregrada kojima bi se spriječilo ulazak unutar objekta.

Rješavajući predmetni zahtjev utvrđeno je da je predmetni objekat u vlasništvu Općine Zavidovići i isti je upisan u PL/KKU 232 na parceli 711/14, kao poslovni objekat, površine 219 m².

Imajući u vidu gore navedeno odnosno da je objekat devastiran i uništen već duži niz godina, dana 21.04.2021. godine je izdata Obavijest općini Zavidovići, kao vlasniku predmetnog objekta, da je dužna preduzeti mjere kako bi se isti sanirao ili na drugi način fizički zatvorio čime bi se onemogućilo obavljanje radnji navedenih u zahtjevu te na taj način spriječilo širenje zaraznih bolesti.

9. VIJEĆNIČKO PITANJE VIJEĆNIKA IGORA ŠIMŠIĆ

Vijećnik Igor Šimšić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam vijećničko pitanje koje se tiče realizacije usvojenih Inicijativa Kluba vijećnika SDP BiH u OV Zavidovići i to: Inicijative za izradu Plana i utvrđivanje javnog interesa identifikacije, lociranja i izgradnje oglasnih i informativnih mjesta na području grada i cijelom prostoru općine i Inicijative za stambeno zbrinjavanje mladih bračnih parova.

Obrazloženje vijećničkog pitanja:

Prva navedena Inicijativa, usvojena od strane općinskih vijećnika, koji su zaključkom obavezali nadležne za realizaciju, još u februaru 2018. godine. Realizaciju, do koje nije došlo evo pune tri godine, bez povratnih informacija. Inicijativa nije iziskivala velika materijalna ulaganja i troškove, niti je imala kompleksne formalno - pravne procedure. A potreba za ovim informativnim prostorima je bila itekako opravdana od strane građana.

Druga navedena Inicijativa usvojena je u februaru 2020. godine. Sa takođe, izostankom realizacije po zaključku. Ova inicijativa predstavlja jednu od konkretnih mjera i konkretnih politika podrške mladima, koji su ovu problematiku pored nezaposlenosti i opšteg negativnog društvenog stanja, naveli kao jedan od osnovnih problema zbog kojih i napuštaju našu lokalnu zajednicu i državu.

Direktna pitanja koja se upućuje glase: Zašto do sada i pored obaveze po zaključcima nisu realizovane navedene Inicijative, kada će biti realizovani zaključci po Inicijativama? Tražim odgovore sa jasno preciziranim datumima realizacije!

Pitanja se upućuju Općinskom načelniku i nadležnim općinskim službama.

S poštovanjem.

Odgovor na vijećničko pitanje (Odgovor je sačinjen na osnovu akta Službe za upravu društvenih djelatnosti i opću upravu, broj: 04-45-14/21-AP-197 od 23.06.2021. godine): *Inicijativa "Podrška stambenom zbrinjavanju mladih bračnih parova na području općine Zavidovići" je prihvatljiva ali neprovodiva obzirom da Budžetom za 2020. godinu nisu planirana sredstva za navedene svrhe.*

Općinsko vijeće Zavidovići je Odlukom, broj: 01-05-4024/18-AP-10 od 30.05.2018. godine, usvojilo Strategiju omladinske politike općine Zavidovići za period 2018.-2023. godine.

Poglavlje "Socijalna zaštita i standard mladih" navedene Strategije na strani 55. Pod strateškim ciljem 3. predviđa sljedeće:

"Osigurati sredstva za stambeno zbrinjavanje mladih putem dugoročnih kredita sa povoljnim uslovima, a na osnovu kadrovskog i pronatalnog modela."

U ovoj godini bi bilo moguće realizovati inicijativu ukoliko se izvrši Rebalans Budžeta sa uvođenjem Transfera za pomoć mladim bračnim parovima u stambenom zbrinjavanju.

U vezi vašeg pitanja vezano za izostanak po realizaciji ovog Zaključka Općinskog vijeća Zavidovići vezano za stambeno zbrinjavanje mladih i zapošljavanjem mladih, obaviještavamo Vas da Budžetom općine Zavidovići za 2021. godinu nisu planirana sredstva sa zasebnog transfera za pomoć mladima u stambenom zbrinjavanju, obzirom da postoji regulisana mjera subvencioniranja plaćanja dijela kamatne stope za mlade koji prvi put rješavaju stambeno pitanje sa viših nivoa vlasti što je vidljivo iz ponude stambenih kredita za mlade Union Banke čiji je većinski vlasnik Vlada Federacije BiH.

Skromne Budžetske mogućnosti lokalnog nivoa vlasti nisu dovoljne za implementiranje ovakve jedne.

Također je važno napomenuti da je Općina Zavidovići u prošloj godini, a u vezi podrške razvoja poduzetništva i zapošljavanja mladih, planirala sredstva na Tekućem transferu za subvencije privredi i za zapošljavanje koja su dodjeljivana putem Javnog poziva, a nisu realizovana u potpunosti zbog izostanka zainteresovanosti. Budžetom općine Zavidovići za 2021. godinu se sa istog transfera provodi navedena mjera

Odgovor na dio vijećničkog pitanja koje se odnosi na realizaciju Inicijative za izradu Plana i utvrđivanje javnog interesa identifikacije, lociranja i izgradnje oglasnih i informativnih mjesta na području grada i cijelom prostoru općine, Služba za upravu geodetskih, imovinsko-pravnih poslova i urbanizam nije dostavila.

S poštovanjem

Dostavljeno:

1. Naslovu,
2. U spis.

PO OVLAŠTENJU OPĆINSKOG
NAČELNIKA broj: 02-05-4/17-AP-73
od 03.10.2017. godine
SEKRETAR OPĆINSKOG
ORGANA DRŽAVNE SLUŽBE

Nermin Čahtarević, dipl. pravnik